

Ն. Ս. Օ. Տ. Տ. ԳԱՐԵԳԻՆ Բ. ԱՄԵՆԱՅՆ ՀԱՅՈՑ ԿԱԹՈՂԻԿՈՍԻ ԽՈՍՔԸ ՀԱՅՈՑ
ԲԱՆԱԿԻ ԶՈՐԱՏԵՍԱԿՆԵՐԻՆ ԸՆԾԱՅՎՈՂ ԽԱՉՎԱՌՆԵՐԻ ՕՐՀՆՈՒԹՅԱՆ ՈՒ
ԲԱՇԽՍԱՆ ԱՐԱՐՈՂՈՒԹՅԱՆ ԱՌԻԹՈՎ

(10 հոկտեմբերի 2017 թ.)

Մեծարգո՝ Պաշտպանության նախարար Հայաստանի Հանրապետության,

պատվարժան զինվորներ ու զորավարներ հայոց բանակի եւ հյուր
զինվորականներ,

սիրելի ներկաներ.

Հայրապետական Մեր ողջույնն ու օրհնությունն ենք բերում ձեզ,
որ նվիրական զգացումներով այս պահին հավաքված եք Հայոց բանա-
կի զորատեսակներին ընծայվող խաչվառների օրհնության ու բաշխման
նշանակալի արարողությանը: Հայրենիքի անվտանգության, խաղաղու-
թյան եւ մեր ժողովրդի արդար իրավունքների պաշտպանության համար
ձեր ծառայությունը համահունչ է քրիստոնեական մեր հավատքի կոչին
ու հրավերին՝ պայքարելու Աստծո կամքին հակառակ կործանարար ըն-
թացքների, բռնության, մարդու եւ ժողովուրդների իրավունքների ոտ-
նահարման դեմ: Քրիստոնեությունը հաղթության ու զորության կրոն
է, որը բացահայտում է առ Աստված հավատքի մեծագույն ուժը՝ առ
Բարձրյալն ապավինությամբ ու Բարձրյալի զորակցությամբ աննկուն
մաքառելու բարու հաստատման համար: Այդ հիանալի իրողությունը
մենք տեսնում ենք մեր Փրկչի երկրային կյանքում: Տերը պայքար մղեց
մեղքի ու չարի դեմ, հաղթանակ տարավ ու հաղթության հավատը շնոր-
հեց իր հետեւորդներին՝ ասելով. «Քաջալերվեցե՛ք, որովհետեւ ես հաղ-
թեցի աշխարհին» (Հովհ. ԺԶ 33): Դարերի ընթացքում մեր ժողովուրդը
հաճախ ստիպված է եղել ելնել իր ինքնության ու անկախության պաշտ-
պանության համար եւ իր գոյապայքարը վերածել է ազատամարտերի ու
հերոսամարտերի, իր հավատքով զորացել ու անպարտելի դարձել՝ ընդ-
դեմ կործանման ու ավերի: Հավատքով հզորացած մեր ժողովուրդը հա-
յուկության բնաջնջման փորձերը պատմության հուլիոլթներում վերածել է
վերհառնումի, հարուկության ու հարատեւության: Աստծո զորակցությու-
նը զգացել ենք Ավարայրից մինչեւ Սարգարապատ ու Արցախ՝ գիտակ-

ցելով, որ զինվորն ենք Քրիստոսի, զինվորը արդարություն, խաղաղություն ու ամեն բարի գործի:

Քրիստոսի Եկեղեցին այս աշխարհի վրա կոչվում է զինվորյալ Եկեղեցի, որի հաղթության նշանն է խաչվառը: Խաչվառը դրոշ է, որով որպես տեսանելի նշան՝ բարձր ենք պահում մեր հավատքը՝ մեզ առաջնորդող ու զորագլուխ ճանաչելով մեր Փրկչին ու Տիրոջը ու նրա փրկարար խաչը: Խաչվառի հայտնությունը մեր Տերն Ինքը տվեց, երբ 4-րդ դարում հռոմեական արդարամիտ կայսր Կոստանդիանոսին վճռական ճակատամարտից առաջ օրը ցերեկով երկնքում ցույց տվեց փայլատակող աստղազարդ խաչ եւ գրություն՝ «սրանով կհաղթես»: Խաչն իրենց դրոշներին պատկերած՝ Կոստանդիանոսի զորքը հաղթանակ տարավ, եւ կայսրը հռչակեց քրիստոնեական հավատքի ազատ դավանությունը: Մարտերից առաջ մեր բանակը նույնպես օրհնել են հայոց հայրապետները եւ ուղեկցել բանակին խաչով ու խաչվառով: Խաչվառը դրոշը, որ տերունի եւ սրբերի պատկերներն է կրում, հիշեցնում է Աստծո ներկայության ու մշտական զորակցության մասին՝ փորձությունների ու հարվածների առջեւ անպարտելի մնացած քրիստոնյա զորավարների օրինակներով, սրբերի բարեխոսություններով: Խաչվառները, որ զետեղվելու են մարտական դրոշի մոտ, մեր զինվորների համար լինելու են քաջալերություն՝ առ Աստված հավատքով, սրբոց բարեխոսությամբ ամուր եւ ուժեղ լինելու ծառայության մեջ: Հավատքով զորեղ զինվորը ուժեղ է կյանքում ու մարտում, սրբությունների պաշտպանության իր բարձրագույն առաքելության մեջ: Հոգու զորությունն է, որ ուժ է տալիս, պարգևում արի սիրտ ու խիզախ ոգի, առաջնորդում սխրանքների, անօրինակ հերոսությունների: Առաքյալը, Աստծո հաղթանակաբեր աջակցության մասին հայտարարելով, բացականչում է. «Եթե Աստված մեր կողմն է, ո՞վ կլինի մեզ հակառակ» (Հռոմ. Ը. 31): Գիտցե՛ք, սիրելի՛ զորականներ, Աստված ձեզ հետ է օրհնված խաչվառների նշանով, մեր Սուրբ Եկեղեցու հայցով, մեր եկեղեցական սպասավորների աղոթքներով, ձեր հավատքով ու սրբերի բարեխոսության խնդրանքով: Տիրոջով հաղթական պիտի լինեք, եւ ձեր սրբազան գործը փառքով ու պատվով իրագործեք, ձեր սրբազան ծառայությունը ձեռքբերումներով զարդարեք, հայրենիքի սահմանները աննահանջ պաշտպանեք՝ վաստակելով նաեւ Աստծո օրհնությունը ձեր կյանքին՝ ձեր ազգասիրության ու հայրենասիրության համար:

Մեր աղոթքն է առ Ամենազոր Տերը, որ Իր Սուրբ Աջով մշտապես օգնական ու զորակից լինի ձեզ, պահի ու պահպանի ամենքիդ երեւելի ու



«Գիտցե՛ք, սիրելի՛ զորականներ, Աստված ձեզ հետ է՝ օրհնված խաչակառների նշանով, մեր Ս. Եկեղեցու հայցով, մեր եկեղեցական սպասավորների աղոթքներով...»

աներեկեւոյթ թշնամիներէից: Աղոթում ենք, որ Աստված հզոր ու հաղթական պահի Հայոց բանակը եւ պարզեւի աննվազ կորով, անպարտելի ոգի եւ ամուր բազուկ քաջարի ծառայութեան ճանապարհին: Նաեւ հայց ենք բարձրացնում աշխարհի խաղաղութեան, ժողովուրդներէ բարօր ու ապահով կյանքի համար: Թող մեր երկիրը մեր խիզախ զորաց պաշտպանութեամբ ապահով ընթանա դեպի նոր առաջընթաց եւ լուսավոր ապագա:

Փա՛ռք արդարութեան ու խաղաղութեան պաշտպան ու պահապան զորականներին, փառք հայոց պանծալի բանակին:

Մեր Տեր Հիսուս Քրիստոս ձեզ զորակից ու պահապան այսօր եւ միշտ. ամեն:

